



Dolzarb 90 kun

KO'HNA TOSHKENT BOLALAR NIGOHIDA

Inson qaysi soha vakili bo'lsin, bolaligini eslasa ko'z oldida maktabda kechgan ta'til davrlari jonlanadi. To'garaklar, ayniqsa, tasviriy san'at to'garagi va rasm daftariga rangli qalam bilan bosib-bosib chizilgan beo'xshov tasvirlar bir-bir ko'z oldidan o'tadi. Rivojlangan davlatlarda ham bolalarning sinfdan tashqari bo'sh vaqti to'garaklar orqali tashkil etilishi bejiz emas. Bunday to'garaklar bolalar ruhiyatiga ijobiy ta'sir o'tkazadi.

Toshkent shahri Olmazor tumani joylashgan 46-maktabda "Dolzarb 90 kunlik" tashabbusi doirasida "Quyosh" yozgi sog'lomlashtirish maydonchasida o'quvchilarning ijodiy salohiyati va jismoniy faolligini oshirishga qaratilgan to'garaklar faoliyat olib bormoqda. Ularga "Turon"

axborot-kutubxona markazi ijodiy xodimlari va maktab o'qituvchilari bosh-qosh bo'lmoqdalar.

Ta'tilning ilk kunlaridan reja asosida ish boshlagan "Tasviriy san'at va kitob grafikasi" to'garagida surat chizish bilan bir qatorda kitob mutolaasiga ham alohida e'tibor qaratiladi. Yosh havaskor rassom-

larga tasviriy san'atning turli janrlari haqida tushuncha berilib, rangtasvirning turli texnikalari orqali chizish mashqlari olib borilmoqda. Qolaversa, ko'hna Toshkentning tarixiy me'moriy yodgorliklari fotosuratlarini tahlil qilib, ajdodlarimiz yashab ijod qilgan manzillar va o'sha davrdan bizgacha yetib kelgan milliy osori-atiqalar suratlarini chizishmoqda. Mashg'ulotlar dasturi nihoyasiga yetganidan so'ng "Turon" axborot-kutubxona markazida bolalar chizgan suratlar ko'rgazmasi Mustaqillik bayrami arafasida namoyish etilishi ko'zda tutilgan.

Bolalar surat chizishni o'zlashtirish bilan bir qatorda sog'lomlashtirish maydonchasida jismoniy faolligini oshirib, turli sport va san'at yo'nalishidagi to'garaklarda ishtirok etmoqda. Bu to'garaklar ishini to'g'ri yo'lga qo'yishda maktab direktorining ma'naviy-ma'rifiy ishlar bo'yicha o'rinbosari Norgul Eshqulova, tabiiy fan o'qituvchisi Nozima Yorboboyeva, ingliz tili fani o'qituvchisi Asal Karimovalar ijodiy yondashmoqdalar. Ayniqsa, nafis harakatlar, go'zallik va ijod uyg'unlashgan "Raqs gimnastikasi" to'garagi o'quvchi-qizlar orasida katta qiziqish uyg'otmoqda. Ular orqali qizlarimizning o'ziga ishonchi ortadi, aktyorlik mahorati rivojlanadi, va eng muhimi, milliy raqs san'atiga muhabbati uyg'onadi.

Maktab o'quvchilarining yozgi ta'til davomida o'zi qiziqqan fanlarni o'rganishi, ijodiy bandligi yangi o'quv yilida sog'lom ta'limiy muhitni shakllantirish yo'lida muhim qadamlardan biri bo'ladi, albatta.

Davron RAJAB



Jarayon

INDIVIDUAL TA'LIM MUHITIDA

tadqiqotchi talabadan kreativ pedagog tayyorlash

Chirchiq davlat pedagogika universiteti Tabiiy fanlar fakulteti "Biologiya" kafedrasida tomonidan talabalarda ilmiy dunyoqarashni shakllantirish, amaliy ko'nikmalarni rivojlantirish maqsadida Tabiiy fanlar fakulteti strategiyasi bo'lgan: "Eshitdim, ko'rdim, bajardim" tamoyili asosida kafedra professor-o'qituvchilari hamda fakultet iqtidorli talabalari tomonidan "Individual ta'lim muhitida tadqiqotchi talabadan kreativ pedagog tayyorlash!" nomli tadbir o'tkazildi.

Ustozlar rahbarligida "Biologiya" kafedrasida pedagogik ta'lim innovatsion klasteri oliy ta'lim muassasasining umumta'lim maktablariga (tabiiy fanlarni o'qitish)da metodik yordam ko'rsatish, ta'lim sifatini oshirish, o'qituvchilarni uzluksiz kasbiy rivojlantirish hamda zamonaviy ta'lim yondashuvlarini tatbiq etish, bitiruvchilarni kasbga yo'naltirish orqali oliy ta'limga qamrovni oshirish,

dars mashg'ulotlari va o'quv jarayonini innovatsion pedagogik texnologiyalar asosida samarali tashkil etish ko'nikmalarini rivojlantirishga qaratilgan bir qancha ishlar olib borilmoqda va bundan talabalarning 4+2 amaliyotida ham keng foydalanib kelinmoqda.

Tadbirimizning birinchi qismi, strategiyaning "Eshitdim" qismiga bag'ishlangan bo'lib, unda biologiya fanini

o'qitishda pedagogik ta'lim innovatsion klasteri asosida 2-kurs talabalari tomonidan tayyorlangan mahorat darslari havo-la etildi.

"Nerv sistemasi" mavzusidagi mahorat darsi jarayonida o'qituvchi bilan birgalikda talabaning faolligi ham ta'minlandi.

Tadbirning ikkinchi "Ko'rdim" qismida "Biologiya" kafedrasining magistrant va bakalavriat talabalari tomonidan ilmiy-tadqiqotchilik ko'nikmalarini shakllantirish bo'yicha olib borilayotgan ilmiy-tadqiqot ishlari ko'rsatib berildi:

- 1) Havo mikroflorasi hamda uning analizi (D.Jovliyeva).
- 2) Quyvon qonining shaklli elementlarini aniqlash (Z.Sobirova).
- 3) DNKni ajratib olish.

4) Viruslarning 3D modelini shakllantirish.

5) Tuban o'simliklar genofondini o'rganish.

Dunyo ta'limida barcha talablariga to'liq javob bera oladigan "Xalqaro o'qituvchi" degan nufuzga ega bo'lish dolzarb masalaga aylanmoqda. Xalqaro o'qituvchilar uchun zarur bo'lgan "Zamonaviy biologiya va xalqaro o'qituvchi tayyorlash" fanidan ta'lim olayotgan talabalarning "Mikroskopik olam" mavzusi asosida tayyorlagan chiqishlari ham tadbir ishtirokchilarida katta taassurotlar qoldirdi.

Sharofatxon RO'ZMATOVA,
CHDPU "Biologiya"
kafedrasida o'qituvchisi

Ma'rifat

TA'SIS ETUVCHILAR:

O'zbekiston maktabgacha va maktab ta'limi vazirligi,
O'zbekiston oliy ta'lim, fan va innovatsiyalar vazirligi,
O'zbekiston ta'lim va fan xodimlari
kasaba uyushmasi Respublika kengashi.

Bosh muharrir: Husan NISHONOV

Gazeta O'zbekiston Matbuot va axborot agentligida
2006-yil 22-dekabrda 0067-raqam bilan ro'yxatga olingan.
Indeks: 149, 150. V-5991. Tiraji-5728.
Hajmi 4 bosma taboq. Ofset usulida bosilgan.
Qog'oz bichimi A-3. Bahosi sotuvda erkin narxda.

TELEFON:

Tel/faks: (71) 212-01-50



"Ma'rifat" dan
materiallarni ko'chirib bosish
tahririyat ruxsati bilan amalga
oshirilishi shart.
Tahririyatga kelgan qo'lyozmalar
taqriz qilinmaydi va muallifga
qaytarilmaydi.

Gazetaning saytiga o'tish uchun
ushbu QR-kodni skanerlang:

(t) – tijorat belgisi.

Dizayner: Malohat Toshova.
Navbatchi muharrir: Faxriddin Rahimov.
Navbatchi: Bobomurod Xudoyberdiyev.

Gazeta haftaning chorshanba kuni chiqadi.

MANZILIMIZ:
100099 Toshkent shahri,
Darvozakent ko'chasi, 60-uy.
Web-site: www.marifat.uz

"O'zbekiston" nashriyot-matbaa ijodiy uyida
chop etildi.
Korxona manzili: Toshkent shahri, Alisher
Navoiy ko'chasi, 30-uy.

